

Nunat Avannarliit Killiit Siunnersuisooqatigiiffiata kaammattuutit aalajangersagaanik nr. 2/2010-mik, ataani allassimasut oqaasertalimmik, Inatsisartut tapersiinnaannik Inatsisartut aalajangiiffigisassaattut siunnersuut, kaammattuutit aalajangersagaq imatut oqaasertaqarpoq:

Nunat Avannarliit Killiit Siunnersuisooqatigiiffiata Savalimmiuni naalakkersuisut, Namminersorlutik Oqartussat Islandimilu naalakkersuisut kaammattorpai ”Nunat Avannarliit Killiit oqaluttuarisaanerat inuiaqatigiillu pillugit sullissivik”-mik pilersitsinissamut aningaasanut inatsisini aningaasanik qinnuteqaqqullugit taperseeqqullugillu
(Aallartitat siulittaasuat Josef Motzfeldt)

pillugu

**Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap**

ISUMALUTISSIISUTAA

Siunnersuutip aappassaaneerreqarnerani saqqummiunneqartoq

Ataatsimiititaliap siunnersuummik suliaqarnermi kingullermik makkuninnga inuttaqarpoq:

Harald Bianco IA, Jane Petersenimut, IA, sinniisoq
Andreas Uldum, Demokratit, Siulittaasup tullia
Hans Aronsen, IA
Ruth Heilmann, Siumut
Jens Immanuelson, Siumut, Aleqa Hammondimut, Siumut, sinniisoq

UPA 2011. 16. marts suliarineqarnerata kingorna kaammattuutit aalajangersakkamut siunnersuut ataatsimiititaliamit misissorneqarpoq.

Siunnersuutip imarisai siunertaalu

Kaammattuutit aalajangersakkami uani siunertarineqarpoq, Nunat Avannarliit Killiit oqaluttuarisaanerat inuiaqatigiillu pillugit sullissivik”-mik pilersitsinissaq periarfissaqalersissallugu, siunertarineqarluni Nunani Avannarlerni Killerni oqaluttuarisaaneq, inuiaqatigiit aamma kultur pillugit ilisimatusarnerat siuarsassallugit tassanngalu ilisimatitsisarnerit siuarsarneqarnissaat.

Siullernik "Sullissivik" Savalimmiuni inissinneqartussatut eqqarsaatigineqarpoq, kisiannili ilisimatitsissutigineqassalluni, tamanna pisariaqassappat, pisariaqarnera tunngavigalugu Island-imut imaluunniit Kalaallit Nunaanut inissinneqarsinnaasoq

Kaammattuutitut aalajangersakkami ilisimatitsissutigineqarpoq Savalimmiunni lögtingip ukioq 2010-mi akuersissutigisimagaat 200.000 kr. Savalimmiuni universitetimut, aammalu piffissaq sivisunngitsoq atorlugu "Sullissivik" sulilluni aallartissinnaasoq, Kalaallit Nunaat Islandilu taamaaqataanik aningaasaliissuteqassappata

Inatsisartuni siullermeerneqarnera

Nunat Avannarliit killiit suleqatigiinnissaata pisariaqartinneqarneranut tunngavilerneqarnissaanut, nunani avannarlerni killerni inuttaasut ataatsimut oqaluttuarisaanermut periarfissaqarnissaannik tunngaviusumik Naalakkersuisut isumaqataagaluarput. Kisianni maannakkut aningaasatigut killissaritinneqartut iluini aalajangersagaq tapersersussallugu periarfissaqanngitsutut Naalakkersuisunit nalilerneqarluni. Taamaattumik Naalakkersuisut inassutigaat, kaammattuutitut aalajangersagaq tapersersorneqassanngitsoq.

Inuit Ataqtigiiit kaammattuutitut aalajangersakkami siunertarineqartunut tunngaviatigut isumaqataapput, kisianni apeqquserlugu periarfissaqarnera aningaasat pisariaqartinneqartut illuartinneqarnissaanut periarfissaqarnera aningaasat. Taamaattumik partip inassutigaa, 2011-imi ukiaanerani ataatsimiinnermi aningaasanut inatsisissatut siunnersuutip isumaqatigiissutiginiarneqarnissaanut aalajangersakkap utaqqimaartinneqarnissaa.

Siumumit erseqqissaatigineqarpoq, Nunani Avannarlerni Killerni suleqateqarneq ataatsimut oqaluttuarisaanerput tunngavigalugu tapersersorneqarmat. Kisiannili partip kaammattuutitut aalajangersagaq itigartikkallarlugu, innersuutigalugu Naalakkersuisut akissuteqaataat, kissaatigaluguli ataatsimiititaliami suliarineqassasoq, ataatsimiititaliamit misissorneqarniassammat suleqatigiinnermut killissaritat iluani aningaasaliiffigineqarsinnaanersoq.

Demokraatit Kattuseqatigiillu partiata Kaammattuutitut aalajangersakkami siunertat tapersersorpaat. Taamaattorli nunatsinni aningaasatigut inissisimaneq innersuussutigalugu kaammattuutitut aalajangersagaq tapersersorsinnaanagu. Taamaattorli kaammaattuutitut aalajangersagaq kingusinnerusukkat Nunat Avannarliit Killiit saqqummiuteqqissagaat isumaliutigineqassasoq partinit kaammattuutigineqarpoq.

Atassutip ajuusaarutigaa Naalakkersuisut kaammattuutitut aalajangersagaq tapersersorsinnaanngimmassuk, partimit pingartinneqarmat Nunani Avannarlerni Killerni suleqatigiinneq, taamaattumillu partimit siunnersuut tapersersorneqarluni.

Inatsisartut aalajangerput 2011-imi ukiakkut ataatsimiinnermi kaammattuutit aalajangersakkap aappassanneernejarnissaa.

Siunnersuutip aningaasatigut kingunissai

Kaammattuutit aalajangersakkap nassataraa, Kalaallit Nunaata 200.000 kr.-nik aallarnisarnermi aningaasaleeqataassasoq. Taassumalu saniatigut Nunat Avannarliit Killiit taakku pingasut ataatsimut pisussaaffigissallugu "Sullissiviup" ingerlallaneqarneranut aningaasartuutit akilersornissaat, taamaattorli "Sullissiviup" suliniutaanut aningaasartuutit aningaasaateqarfinnut qinnuteqaaatiginiarneqartassallutik.

Ingerlatsinermi aningaasartuutit, Nunat Avannarliit Killiit pingasut aningaasanut inatsisaatigut aningaasalersorneqassapput, taakkualu matussusersussallugit, Sullissivimmi pisortap akissarsiai, allatseqarfik, (aningaasartuutit aalajangersimasut ilanngullugit) qarasaasiakkut nittartagaq, (nutserineq ilanngullugu) Sullissiviup pisortaata aamma siulersuisuni ilaasortat angalaneranut aningaasartuutit, aammalu ilinniartitsiartorluni akunnisimmaarnermi aningaasartuutit.

Aalajangersakkami nalunaarutigineqarsimangilaq imaluunniit naatsorsorneqarsimangilaq, Aalajangersimasumik aningaasartuutit qanoq naleqarssanersut.

Siunnersuutip ataatsimiititaliamit suliarineqarnera

Ataatsimiititaliamit paasineqarpoq, siunnersuutip siullermeerneqarnerani kaammattuutit aalajangersakkami siunertarineqartunut isumaqataasoqartoq, aammalu partit tamarmik Naalackersuisullu tamakkiisumik Nunani Avannarlerni Killerni suleqatigiinneq ataatsimut tapersersorneqartoq.

Kisiannili Naalackersuisunit periarfissaqarsimangillat massakkut aningaasatigut killissaritinneqartut iluini aningaasaliissutissatut pisariaqartinneqartut nassaarineqarnissaat.

Ataatsimiititaliamit ajuusaarutigalugu paasineqarpoq, maannakkut aningaasatigut inissisimanermi aningaasanut atugassanut killissaritinneqartut iluini sakkortuumik tullerriaarisaaqisoqartoq. Naak kaammattuutit aalajangersakkamut annertuumik isumaqataasoqaraluartoq, ataatsimiititaliamit atuutilersitsinissamut aningaasalersuinerit pisariaqartut pillugit innersuussinissaq periarfissaqartinneqangilaq.

Taamaattorli Ataatsimiititaliamit nuannaarutigineqarpoq, 2000-imi Nunani Avannarlerni Siunnersuisooqatigiit Aalajangersagaq akuersissutigimmassuk, tassani siunnersuisooqatigiit Savalimmiuni Naalackersuisut, Kalaallit Nunaanni Naalackersuisut kiisalu Islandimi naalackersuisut inassuteqarfialugit, suleqatigiissitalioqqullugit, Nunat Avannarliit Killiit ataatsimut oqaluttuarisaanerani uppernarsaasioqqullugit oqaluttuassartaalu allaganngorlugit suliareqqullugit, taakku arlaleriarlutik saqqummersitsisimapput, taassuma ataanni

10. november 2011

UKA 2011/37

UPA 2011/96

minnerunngitsumik Nunat Avannarliit Killiit ataatsimut oqaluttuarisaanerata saqqummersinneqarnera.

Uppernarsaasersuinermi oqaluttuarisaanermillu allagaqarnermi ataqatigiinneq pilersinneqarsimasoq, aammalu qujassutissaqarfigeqisarput, qularnanngitsumik Nunat Avannarliit Killiit akornganni ilisimatusarnermut suleqatigiinnerup ataqatigiinneranut pilersitseqataasimavoq, taamaalillunilu aamma Nunat Avannarliit Killiit ilisimatusarnermi suleqatigiinneranut nukittorsarneqarsimalluni.

Oqaaseqaatit allat

Nunat Avannarliit Killit siunnersuisooqatigiivisa kaammattuutitut aalajangersagaat Inatsisartunut aalajangiiffisassatut siunnersuutitut saqqummiunneqartarput. Taamaattumik Nunat Avannarliit Killiit ataatsimiititaliamit kaammattorneqarput eqqumaffigeqqullugu, 2010 novembarimili Inatsisartut Suleriaasianni piunasaqaataammat aalajangiussassatut siunnersuutini, ilaatigut siunnersuummut aningaasatigut kingunissaasut ilanngunneqartassasut.

Taamatut piunasaqarnermi aalajangersakkani aningaasatigut kingunissarisat ilanngunneqarsimatinnagit Nunat Avannarliit Killiit aalajangersagaasa siunissami inatsisartunut saqqummiunneqartannginnissaannik piunasaqarneq Inatsisartut Siulittaasoqarfianit aalajangerneqartussaavoq.

Taamaattorli ataatsimiititaliaq isumaqarpoq, inatsisartuni aalajangernissamut tunngavissaalluarsinnaasoq Nunat Avannarliit Killiit kaammattuutitut aalajangersagaannut isummernissamut aningaasatigut kingunissarinneqartut naatsorsorneqarsimanissaat.

Inassuteqaat

Ataatsimiititaliap isumaqatigiittup siunnersuutip itigartitsissutigineqarnissaa inassutigaa.

Taamatut oqaaseqarluta siunnersuut aappassaanniigassanngortipparput.

10. november 2011

UKA 2011/37
UPA 2011/96

Harald Bianco

Andreas Uldum
Siulittaasup tullia

Hans Aronsen

Ruth Heilmann

Jens Immanuelson